



大戴禮記

二



大藏禮記
二



大戴禮記

(二)

戴盧
撰注
德辯

王雲五主編
叢書集成初編

大戴禮記
二冊

中華民國二十六年十二月初版

撰者 戴德

注者 盧辯

發行人 王雲五
長沙南正街

印刷所 商務印書館
長沙南正街

發行所 商務印書館
各埠

密

大戴禮記卷七

五帝德第六十二

帝繫第六十三

勸學第六十四

五帝德

宰我問于孔子曰。昔者予聞諸榮伊。〔案〕伊。太平御覽引此作君。言黃帝三百年。〔案〕言。各本訛作令。今據史記索隱所引訂正。請問黃帝者人邪。抑非人邪。〔案〕樂記疏引此文。無者字。邪皆作也。何以至于三百年乎。孔子曰。予禹湯文武成王周公可勝觀邪。夫黃帝尙矣。女何以爲先生難言之。宰我曰。上世之傳。隱微之說。卒業之辨。闡忽之意。〔案〕闡。下各本衍。昏字。今從方本。非君子之道也。則予之問也固矣。孔子曰。黃帝少典之子也。曰軒轅。生而神靈。弱而能言。幼而慧齊。〔案〕史記戴禮作觀齊。一本作慧齊。長而敦敏。成而聰明。治五氣。設五量。撫萬民。度四方。教熊羆貔貅羆虎。〔案〕各本脫貅字。御覽所引及。以與赤帝戰于阪泉之野。〔案〕赤。史記作炎。各本阪訛作。三戰然後得行其志。黃黼黻衣。〔案〕史記各本衍帝字。今據後文訂正。大帶黼裳。乘龍扞雲。以順天地之紀。幽明之故。死生之說。存亡之難。時播百穀。艸木。澆化鳥獸。昆蟲。〔案〕澆。化各本作故。教。歷離日月星辰。極畋土石金玉。勤勞心力耳目。〔案〕各本脫勤字。今據路史注所引訂定。節

用水火材物。生而民得其利百年。〔案〕樂記疏引此死而民畏其神百年。亡而民用其教百年。故曰三百

年。宰我曰。〔案〕各本脫曰請問帝顓頊。孔子曰。五帝用說。〔案〕各本作三王用度。女欲一日辨聞古昔之說。

〔案〕辨偏躁哉予也。宰我曰。昔者予也。聞諸夫子曰。小子無有宿問。孔子曰。顓頊黃帝之孫。昌意之子也。

曰高陽。洪淵以有謀。疏通而知事。養財以任地。〔案〕財各本作材。今履時以象天。依鬼神以制義。治氣以

教民。潔誠以祭祀。乘龍而至四海。北至于幽陵。南至于交趾。西濟于流沙。東至于蟠木。動靜之物。大小之

神。日月所照。莫不砥礪。

宰我曰。請問帝嚳。孔子曰。玄囂之孫。蟠極之子也。曰高辛。生而神靈。自言其名。博施利物。不于其身。聰以

知遠。明以察微。順天之義。知民之隱。〔案〕隱字他本或作隱仁而威。惠而信。修身而天下服。取地之財而

節用之。撫教萬民而利誨之。歷日月而迎送之。明鬼神而敬事之。其色穆穆。其德俟俟。〔案〕各本作其色

後人因史記之文所改。索隱云。今按其動也時。其服也土。春夏乘龍。秋冬乘馬。黃黼黻衣。執中而獲天下。

日月所照。風雨所至。莫不從順。

宰我曰。請問帝堯。孔子曰。高辛之子也。曰放勳。其仁如天。其知如神。就之如日。望之如雲。富而不驕。貴而

不豫。黃黼黻衣。丹車白馬。伯夷主禮。龍夔教舞。舉舜彭祖而任之。四時先民治之。流其工于幽州。以變北

狄放驩兜于崇山。以變南蠻。殺三苗于三危。以變西戎。殛鯀于羽山。以變東夷。其言不貳。其德不回。四海之內。舟輿所至。莫不說夷。

宰我曰。請問帝舜。孔子曰。蟠牛之孫。瞽瞍之子也。曰重華。好學孝友。聞于四海。陶漁事親。寬裕溫良。敦敏而知時。畏天而愛民。恤遠而親近。承受大命。依于倪皇。叡明通知。爲天下王。使禹敷土。主名山川。以利于民。使后稷播種。務勤嘉穀。以作飲食。羲和掌歷。敬授民時。使益行火。以辟山萊。伯夷主禮。以節天下。夔作樂。以歌籥舞。和以鍾鼓。臯陶作士。忠信疏通。知民之情。契作司徒。教民孝友。敬政率經。其言不惑。其德不慝。舉賢而天下平。南撫交趾。大教〔案〕大下舊注一作放。乃校書者語。亦當在教字之下。鮮支渠搜。氏羌〔案〕鮮支上脫一西字。北山戎發息慎。〔案〕史記索隱云。山戎下少一北字。北發是北方國名。東長夷。烏夷羽民。〔案〕長下各本脫夷字。今據史記索隱所引訂定。鄭注禹貢云。烏夷東方之民。搏食鳥獸者。舜之少也。惡頌勞苦。二十以孝聞乎天下。三十在位。嗣帝所五十。乃死。葬于蒼梧之野。

宰我曰。請問禹。孔子曰。高陽之孫。鯀之子也。曰文命。敏給克濟。其德不回。其仁可親。其言可信。聲爲律。身爲度。稱以上士。〔案〕上士二字。當從史記作出。稱以出。猶言比量而出也。廛廛穆穆。爲綱爲紀。巡九州。通九道。陂九澤。度九山。爲神主。爲民父母。左準繩。右規矩。履四時。據四海。平九州。戴九天。明耳目。治天下。舉臯陶與益。以贊其身。舉干戈。以征不享。不庭無道之民。四海之內。舟車所至。莫不賓服。

孔子曰。予大者如說民說至矣。〔案〕此八字當有舛誤。予也非其人也。宰我曰。予也不足誠也。敬承命矣。他日。宰我

以語人。有爲道諸夫子之所。孔子曰。吾欲以顏色取人。于滅明邪改之。吾欲以語言取人。于子邪改之。吾欲以容貌取人。于師邪改之。宰我聞之。懼不敢見。

帝繫

少典產軒轅。是爲黃帝。

黃帝產玄囂。玄囂產蟠極。蟠極產高辛。是爲帝嚳。

帝嚳產放勳。是爲帝堯。

黃帝產昌意。昌意產高陽。是爲帝顓頊。

顓頊產窮蟬。窮蟬產敬康。敬康產句芒。(案)史記作句望。句芒產蟠牛。(案)史記作橋牛。蟠牛產瞽瞍。瞽瞍產重華。是爲

帝舜。及產象。敖。(案)各本訛作及象。產傲。今據禮記祭法疏所引訂正。敖。衍文。

顓頊產鯀。鯀產文命。是爲禹。

黃帝居軒轅之丘。娶于西陵氏。西陵氏之子。(案)各本不重西陵三字。今從方本。謂之嫫祖氏。產青陽。青陽降居

泝水。(案)史記竹江。水。昌意降居若水。昌意娶于蜀山氏。蜀山氏之子。謂之昌濩氏。(案)史記作昌僕。產顓頊。

顓頊娶于滕奔氏。(案)各本脫奔字。路史注引作滕奔氏。世本作滕濱。今據以訂正。滕奔氏之子。(案)各本訛作滕奔之子。今訂正。謂之女祿氏。產老童。

(案)史記作卷章。老童娶于竭水氏。竭水氏之子。謂之高緡氏。產重黎及吳回。吳回氏產陸終。陸終氏娶于鬼方。

氏鬼方氏之妹。謂之女嬪氏。〔案〕風俗通義作女嬪。產六子。孕而不粥。三年。啓其左脅。六人出焉。其一曰樊。是爲昆

吾。其二曰惠連。是爲參胡。其三曰錢。〔案〕世本是爲彭祖。其四曰萊言。〔案〕世本是爲云鄩人。〔案〕云鄩

嬪姓。鄩也。其五曰安。是爲曹姓。其六曰季連。是爲羊姓。季連產附祖氏。〔案〕史記附祖氏產穴熊。〔案〕穴

注內今據史記及路史。季連之裔孫鬻熊。五字。在九世。至于渠下。今從方本。九世至于渠。〔案〕史記楚

穴熊。其後中微弗能紀其世。周文王之時。季連之苗裔曰鬻熊。鬻熊子早卒。其子熊麗。熊麗生熊狂。熊狂

生熊繹。熊繹生熊艾。熊艾生熊頤。熊頤生熊勝。熊勝以弟熊楊爲後。熊楊生熊渠。此所謂九世至于渠也。

渠有子三人。其孟之名爲無康。〔案〕史記爲句亶王。其中之名爲紅。〔案〕中爲鄂王。其季之名爲疵。爲

越章王。〔案〕越各本訛作戚。史記云。少子執疵爲越章王。據國語昆吾者。衛氏也。〔案〕氏世本作是。合下

通參胡者。韓氏也。彭祖者。彭氏也。云鄩人者。鄭氏也。曹姓者。邾氏也。季連者。楚氏也。

帝譽卜其四妃之子。而皆有天下。上妃有郃氏之女也。曰姜姬氏。產后稷。次妃有娥氏之女也。曰簡狄氏。

產契。次妃陳鋒氏之女也。曰慶都氏。〔案〕各本作次妃曰陳隆氏。六字。文產帝堯。次妃姬訾氏之女也。曰

常儀氏。〔案〕各本作次妃曰姬訾氏。六字。亦脫誤。今據詩生民疏所引訂定。產帝摯。

帝堯娶于散宜氏。散宜氏之子。〔案〕各本不重。散宜謂之女皇氏。帝舜娶于帝堯。帝堯之子。〔案〕各本不重。帝謂之女閔氏。鯀娶于有莘氏。有莘氏之子。謂之女志氏。〔案〕吳越春產文命。

禹娶于塗山氏。塗山氏之子。謂之女嬌氏。產啓。

勸學

君子曰。學不可以已矣。青取之于藍。而青于藍。水則爲冰。而寒于水。木直而中繩。輒而爲輪。其曲中規。稿暴不復挺者。〔案〕稿各本訛作枯。今從方本及荀子。輒使之然也。是故不升高山。不知天之高也。不臨深谿。不知地之厚也。不聞先王之遺道。不知學問之大也。於越戎貉之子。生而同聲。長而異俗者。教使之然也。是故木從繩則直。金就礪則利。君子博學而日參省己焉。〔○〕各本而訛作知。脫省字。今從方本。故知明則行無過。詩云。嗟爾君子。無恆安息。靖恭爾位。好是正直。神之聽之。介爾景福。神莫大于化道。福莫長于无咎。孔子曰。吾嘗終日思矣。不如須臾之所學。吾嘗跂而望之。不如升高而博見也。升高而招。非臂之長也。而見者遠。順風而呼。非聲加疾也。而聞者著。假車馬者。非利足也。而致千里。假舟楫者。非能水也。而絕江海。君子之性。非異也。而善假于物也。南方有鳥。名曰蛟鳩。〔案〕荀子作蒙鳩。以羽爲巢。編之以髮。繫之葦苕。風至苕折。子死卵破。巢非不完也。所繫者然也。西方有木。名曰射干。莖長四寸。生于高山之上。而臨白仞之淵。木莖非能長也。所立者然也。蓬生麻中。不扶自直。蘭氏之根。懷氏之苞。〔案〕荀子作蘭。槐之根是爲芷。漸之滫中。君子不近。庶人不服。質非不美也。所漸者然也。是故君子靖居恭學。修身致志。處必擇鄉。游必就士。所以防辟邪而道中正也。〔案〕道他本作通。今從劉本。物類之起。必有所始。〔案〕各本起訛作從。始訛作由。今從方本。及荀子。此起始爲韻。下來德爲韻。榮辱之來。各象其德。肉腐出蟲。魚枯生蠹。怠教

忘身。〔案〕各本訛作殆。教亡之。今從方本。禍災乃作。彊自取折。柔自取束。邪穢在身。怨之所構。布薪若一。火就燥。平地若一。

水就濕。草木疇生。禽獸羣居。物各從其類也。是故正鵠張。〔案〕是故下舊注一作質。乃校書者語。亦當在正字下。而弓矢至焉。林木

茂而斧斤至焉。樹成蔭而鳥息焉。醴酸而蚋聚焉。故言有召禍。行有招辱。君子慎其所立焉。積土成山。風

雨興焉。積水成川。蛟龍生焉。積善成德。神明自得。〔案〕得各本訛作傳。今據文選典引注所訂正。聖心備矣。是故不積跬步。無

以致千里。不積小流。無以成江海。騏驎一蹀。不能千里。駑馬無極。功在不舍。楔而舍之。朽木不折。楔而不

舍。金石可鏤。夫蟻〔案〕各本訛作蟻。今從劉本。方本。無爪牙之利。筋脈之彊。上食晷土。下飲黃泉者。用心一也。蟹二螯八

足。非蚶鮒之穴。〔案〕鮒即鱖。他本。訛作蛆。今從方本。而無所寄託者。用心躁也。是故無憤憤之志者。無昭昭之明。無繇繇之

事者。無赫赫之功。行歧塗者不至。〔案〕歧他本訛作歧。今從方本。事兩君者不容。目不能兩視而明。耳不能兩聽而聰。騰

蛇無足而騰。鼫鼠五伎而窮。詩云。鴟鳩在桑。其子七兮。淑人君子。其儀一兮。其儀一兮。心若結兮。君子其

結于一也。昔者瓠巴鼓瑟而沈魚出聽。伯牙鼓琴。〔案〕各本訛作琴。今從方本。而六馬仰秣。夫聲無細而不聞。行無隱

而不形。玉居山而木潤。淵生珠而岸不枯。為善而不積乎。豈有不聞哉。

孔子曰。鯉。〔案〕各本訛作野。下又衍哉字。今據說苑訂正。君子不可以不學。見人不可以不飾。不飾無貌。無貌不敬。不敬無禮。無

禮不立。夫遠而有光者飾也。近而逾明者學也。譬之如滂邪。水潦瀾焉。莞蒲生焉。從上觀之。誰知其非源

泉也。

珠者陰之陽也。故勝火。王者陽之陰也。故勝水。其化如神。故天子藏珠玉。諸侯藏金石。大夫畜犬馬。百姓藏布帛。不然則強者能守之。知者能乘之。賤其所貴而貴其所賤。不然。矜寡孤獨不得焉。

子貢曰。君子見大川必觀何也。孔子曰。夫水者。君子比德焉。徧與之而無私。似德。所及者生。所不及者死。

似仁。其流行庫下。倨句。皆循其理。似義。其赴百仞之谿不疑。似勇。淺者流行深淵不測。似智。弱約微通。似

察。(案)微各本訛作危。今從方本及荀子。受惡不讓。似包蒙。(案)各本訛作包裹。上又不清以入。鮮潔以出。似善。化以注。量

必平。似正。(案)以注各本訛作必出。荀子說苑作至。今從方本。盈不求。概似度。(案)各本脫度字。今據說苑訂正。萬折必以東。似意。(案)萬各本

度字脫誤成一字耳。東下各本是以君子見大川必觀焉。(案)各本脫君子二字。今從高安本。

大戴禮記卷八

子張問入官第六十五

盛德第六十六

子張問入官

子張問入官于孔子。孔子曰：安身取譽爲難也。子張曰：安身取譽如何。孔子曰：有善勿專。

專謂自納于己。

教不能勿措。

勿措。家語爲勿怠也。進或聲誤爲措。勿進。嫌其倦也。

已過勿發。失言勿踣。

踣。邪也。出言既失。勿爲邪途以成之。

不善辭勿遂。

人言不中。勿貳遂之。

行事勿留。

凡行政事勿稽留之。

君子入官自行此六路者則身安譽至而政從矣。

上六者可以自通故稱路也。

且夫忿數者獄之所由生也。距諫者慮之所以塞也。慢易者禮之所以失也。惰怠者〔案〕惰各本作時之

所以後也。奢侈者財之所以不足也。

儉則有餘奢則不足。專者事之所以不成也。歷者獄之所由生也。

歷歷亂也。

君子入官除七路者則身安譽至而政從矣。

七者亦致亡之道也。

故君子南面臨官大城而公治之。

大城列國公無私也。

精知而略行之。

精知者當先是二路。略行者謂度時而施。

合是忠信。攷是大倫。存是美惡。而進是利。而除是害。而無求其報焉。而民情可得也。

能合是六路之忠信。及進除六路之利害。施焉而不求報。則民情不失矣。

故臨之無抗民之志。勝之無犯民之言。

勝謂民辭情短。

量之無狡民之辭。

狡害也。猶言無害也。

養之無擾于時。愛之勿寬于刑。若此。(案)若各本說則身安譽至而民自得也。故君子南面臨官。所見邇。

故明不可蔽也。(案)蔽各本作弊。今從方本。

言所見先求于近者。中庸曰。舜其大知也。與。舜好問而好察邇言也。

所求邇。故不勞而得也。

言所求自近始。故詩曰。無田甫田。勞心忉忉。

所以治者約。故不用衆而譽至也。法象在內。故不遠。

言內有法象。則百姓亦有禮度。

源泉不竭。故天下積也。

積謂歸湊也。

如木不寡。(案)如各本作而今從方本。短長人得其量。

量而用之。以泉木二用。諭君子之政。

故治而不亂。故六者貫乎心。藏乎志。

志者。心之府也。

形乎色。發乎聲。

聲言也。

若此則身安譽至而民自得也。故君子南面臨官。不治則亂至。

民錯亂也。

亂至則爭。爭之至又反于亂。

亂反亂也。

是故寬裕以容其民。慈愛以優柔之。而民自得也已。故躬行者。政之始也。

身行之也。

調悅者。情之道也。

言調悅者。治人情之道也。

善政行易則民不怨。

先王善政。能躬行之。使平易則民悅。

言調悅則民不辨法。

謂不爭也。周禮曰。凡辨法者攷焉。

仁在身則民顯以佚之也。財利之生微矣。〔案〕微、各本訛作微。今從楊本。貪以不得善政必簡矣。

初聞善政必記之。

苟以亂之。善言必聽矣。

聞善言始亦聽之也。

詳以失之。〔案〕詳伴古通用。

後政不行。詳爲漏失。

規諫日至。煩以不聽矣。

詩曰。老夫灌灌。小子躑躑也。

言之善者。在所日聞。行之善者。在所能爲。